

## **INFORMACIÓN RELATIVA AO PROCESO DE ADMISIÓN DE ALUMNOS/AS EN CENTROS DOCENTES SOSTIDOS CON FONDOS PÚBLICOS PARA O CURSO 2019-2020**

### **NORMATIVA REGULADORA:**

- Decreto 254/2012 do 13 de decembro de 2012 (DOG do 26 de decembro de 2012).
- Orde do 12 de marzo de 2013 (DOG do 15 de marzo de 2013).
- Orde do 25 de xaneiro de 2017 (DOG do 1 de febreiro de 2017).

### **PRAZO DE PRESENTACIÓN DE SOLICITUDES:**

Dende o 1 ata o 20 de marzo de 2019 (ambos inclusive).

### **IMPRESOS E DOCUMENTACIÓN QUE, OBRIGATORIAMENTE, DEBERÁN SER ENTREGADOS NO CENTRO:**

- Solicitud: **Formulario normalizado ED550B**. Este formulario será facilitado gratuitamente nos correspondentes centros docentes e tamén estará dispoñible na sede electrónica da Xunta de Galicia, na aplicación “*admisionalumnado*” (<https://www.edu.xunta.es/admisionalumnado>) e tamén nas seguintes direccións: <http://www.xunta.es/portada> e <http://www.xunta.gal/portal/node/26923>. As solicitudes de admisión poderán presentarse mediante o formulario normalizado a través da aplicación de xestión do proceso “*admisionalumnado*” (<https://www.edu.xunta.es/admisionalumnado>) e tamén poderán presentalas de forma presencial no centro docente indicado como primeira opción. Cada solicitante presentará unha única solicitude no centro que se indica en primeiro lugar. Nela poderán relacionarse ata seis centros, por orde de preferencia. **O impreso deberá entregarse debidamente cuberto e asinado por calquera das persoas titulares da patria potestade, cando se refiran a fillas/os comúns dun matrimonio non separado legalmente nin divorciado ou dunha parella de feito debidamente inscrita no Rexistro de Parellas de Feito de Galicia. Nos demais casos requírese a sinatura dos dous titulares, agás que a patria potestade estea atribuída a un deles con carácter exclusivo, ou en situacións de violencia de xénero. De constatare no expediente a separación ou divorcio dos proxenitores coa patria potestade compartida e a existencia dunha soa sinatura na solicitude, deberase requirir ao proxenitor que a presentou que subsane a deficiencia ou, se é o caso, xustifique o motivo da omisión por calquera medio de proba admitido en dereito.**
- Fotocopia do DNI do alumno/a ou folla do libro de familia onde estea inscrito.
- No caso de separación legal ou divorcio: convenio regulador ou resolución xudicial.

### **IMPRESOS E DOCUMENTACIÓN ACREDITATIVA PARA SER BAREMADO/A:**

**Importante:** Será necesario presentar a documentación relativa aos criterios de domicilio fiscal, renda per cápita da unidade familiar, condición de familia numerosa e de discapacidade do alumnado, do/da proxenitor/a, do/da titor/a ou dos/das irmáns/ás recoñecida pola Xunta de Galicia, cando a persoa interesada denegue expresamente a consulta automática. A presentación desta documentación ten carácter voluntario. A non presentación desta documentación suporá a renuncia explícita a ser baremado e terá 0 puntos no criterio correspondente.

### **PRAZO DE PRESENTACIÓN EN CASO DE BAREMO:**

Do 25 de marzo ao 5 de abril de 2019.

### **IMPRESOS:**

**Importante:** O anexo II bis deberá vir asinado por cada un dos membros da unidade familiar.

### **DOCUMENTACIÓN ACREDITATIVA:**

- **Por irmáns matriculados neste centro (8 puntos):** copia completa do libro de familia e certificación da dirección do centro.
- **Pais traballadores no centro (3 puntos):** certificación da dirección do centro.
- **Para acreditar o domicilio familiar (6 puntos se se atopa na área de influencia do centro; e 3 puntos se se atopa nas áreas limítrofes á área de influencia do centro):** certificado do Padrón municipal no que figuren todos os membros da unidade familiar (non serve o volante).

A data de alta no concreto domicilio deberá ter unha antigüidade mínima dun ano respecto ao inicio do procedemento de admisión, agás circunstancias debidamente xustificadas.

**Importante:** Se non coinciden os domicilios familiar e fiscal, haberá que presentar a seguinte documentación complementaria:

- Escritura de compravenda ou doazón, ou contrato de aluguer máis contrato de alta de recibos actualizados da auga, luz ou gas a nome da persoa ou persoas que solicitan a admisión.
  - Excepcionalmente, poderá pedirse xustificación de convivencia real.
- **Para acreditar o lugar de traballo dos pais (4 puntos se está situado dentro da área de influencia do centro; 2 puntos se está situado nas áreas limítrofes á área de influencia do centro) :**
    - Traballadores por conta allea: certificado expedido polo titular da empresa ou polo responsable de persoal desta e unha copia do contrato laboral.
    - Traballadores por conta propia: alta censual inicial perante a Axencia Estatal de Administración Tributaria e alta na Tesourería Xeral no Réxime da Seguridade Social correspondente.
    - Persoal ao servizo das administracións públicas: certificación expedida pola xefatura de persoal correspondente.

**Importante:** Non son acumulables as puntuacións polo criterio do domicilio familiar e polo lugar de traballo.

- **Acreditación da renda:** Para a valoración da renda per cápita da unidade familiar, as persoas interesadas deberán facer constar a cantidade correspondente á base imponible no caso de declaración conxunta, ou a base imponible de cada un dos declarantes da unidade familiar, no caso de declaración individual. A tal efecto, **constará a cantidade que resulta da suma das casiñas 415 (base imponible xeral) e 435 (base imponible do aforro) da correspondente declaración do imposto sobre a renda das persoas físicas (IRPF) do ano 2017. Esta cantidade dividirse polo número de membros da unidade familiar referido ao día 28 de febreiro de 2019. Para a aplicación da puntuación do criterio, utilizarase o Indicador público de renda de efectos múltiples (IPREM) correspondente ao ano 2017, que está cifrado en 6.454,03 € anuais con exclusión das pagas extraordinarias.**
  - Se ese resultado é inferior a 3.227,015 €, corresponde 3 puntos no baremo da renda.
  - Se o resultado é igual ou superior a 3.227,015 € e inferior a 4.840,5225 €, corresponde 2 puntos no baremo da renda.
  - Se o resultado é igual ou superior a 4.840,5225 € e inferior a 6.454,03 €, corresponde 1 punto no baremo da renda.
  - Se o resultado é igual ou superior a 6.454,03 € corresponde 0 puntos no baremo da renda.

No caso en que a Axencia Estatal de Administración Tributaria non dispoña dos datos tributarios das persoas integrantes da unidade familiar, estas deberán achegar unha certificación de haberes ou calquera outro documento de cada unha delas, correspondente ao exercicio fiscal 2017.

- **Condición de familia numerosa (3 puntos por pertencer a familia numerosa de categoría especial; 2 puntos por pertenza a familia numerosa de categoría xeral):** Fotocopia do título oficial en vigor ou do carné familiar galego expedidos pola Consellería de Traballo e Benestar, ou copia da solicitude de recoñecemento ou renovación (só cando a persoa interesada denegue expresamente a consulta automática).
- **Condición de familia monoparental (2 puntos):** Certificación de recoñecemento da Dirección Xeral de Familia, Infancia e Dinamización Demográfica da Consellería de Política Social da Xunta de Galicia ou pola autoridade competente doutras administracións públicas.
- **Discapacidade igual ou superior ao 33% do alumno/a (4 puntos), da súa nai, pai (3 puntos) ou dalgúnn irmán (1 punto):** certificación do grao de minusvalía expedida pola Consellería de Traballo e Benestar ou, se é o caso, emitido polo órgano competente doutras administracións públicas (só cando a persoa interesada denegue expresamente a consulta automática).

**Nota importante: Deberase presentar orixinal e copia de toda a documentación.**

Máis información no taboleiro de anuncios e na Secretaría do centro.

A dirección